

Pola Tesalonikanandmo tiratna outna timbiņ rapar Outna kam

Tesalonika auņ aniac, ma Masedoniana pitrik waņ ndeacrena. Na an minna Pola Pilipaia tikcarica ma Tesalonika auņ aniaca taņgatna, na ma anna tikca Iesusna ritipaikta meikramtairta tumbunna moa ņgeprina. Na u, Iesusna Up Aņgirena Ramtairta Aiņna Nininina Timbigta Kapna sapta 17 wes 1 taņca wes 9na inikka wat, an kamma anna eacrena. Na an minna Iudanagepca watrinanna, meikramtair witta Polna kambca raņgaica, mina Iesusa ripacrena laiplacar tarurina. Aintik mina Polmo nikkatta manmo moa ma Tesalonika auņ aniacmo tikcariri. Na iņmbaia Pola taņga Korin auņ aniaca eacri, mana aiņ kabe Timotia kipca manmo an reikca Tesalonika auņ aniacna Iesusa ripacrena laiplacara tarurina kamb toprina.

Na an minna Pola Timotina kambca waracatke, manapa, Sailasapa, Timotia mina gan timbiņ rapara tirrinan, na anna Tesalonika auņ aniacna Iesusa ripacrena laiplacarta ritipaikca moi gagranan. Na landamņina ramtair witta mina gaiņd ndamņirena, anna Polna out ņgoinna timbiņ raparna timbiņ raprira ma tirrina. Na an timbiņ rapar mbuņa Pola ma Tesalonika auņ aniacna Iesusa ripacrena laiplacarta ritipaikapa mina tīpemb kirarir laiņta toņtoņ ņgoin.

Na anna Iesusa ripacrena laiplacara mina

mba giwaca lamnjirena, Karaisa ma titoca mac nda kipit. Na mina garacna, an minna Karaisa kip ngocora eacrenanna, an menacrina meikramtaira mitoca an iarwarna watta anjiit, co wanaij? Na Karaisa tumbuitta kipit? Na Pola mina kamb rutica ma gaindoprina, an minna Kacootta kip te, mina tipemb kirarir lainja rangairan, na mina kocroca eacran.

Polapa mana aiñ kabenanda mina Tesalonikanangepta kadmairina

(1—3)

¹ Aku Pol, aukapa, Sailasapa, Timotiap, aia nemo Tesalonika auñ aniac ndeacrena meikramtaira, ne Iesusna ritipaikta meikramtairta tumbunmo, aia gan timbiñ rapara nena moca tirca neañga kiprina, nena meikramtaira Raranj Aetaniacapa, Kacoot Iesus Karaisap mikca eacrenan.

Na Raranj Aetaniaca nena moca kadmai te, ma nena iroar inkarmo moi wewettaca ne lain teacnandet.

*Pola ma Tesalonikanangepta ritipaikta
tonjorena*

² Aia memetmbaca nena ndamnjireke, Raranj Aetaniacmo nena iremb kaca mbendeireke, manmo kam lanj neañrena. ³ Na nena ritipaikta nenmo moa ñgepca, ne tipemb kirarir lainja

1:1 Up 17.1-13, na 2 Te 1.1 **1:2** Epe 1.16, na Pil 1.3-4, na Kol 1.3, na 2 Te 1.11 **1:3** 1 Ko 13.13, na Gal 5.6, na Kol 1.4-6, na Ib 6.10

morenan, na nena morena aiņir laiņta moca, aia ndorita Raraņ Aetaniac Aetmo kam laņ neaņrena. Aintik ne ndorita iroar inkarmo kabenanda matņireke, na an mamatņina aiņ gargara ne aina Kacoot Iesus Karaisna nd-abirena. ⁴ Ne Iesusa ripacrena laiplacar, Raraņ Aetaniaca nena moca mamatņi aniac ņgoin, aintik aia lamņirinanna gaind, Raraņ Aetaniaca nenmo larapacrina ne manan ņgoin.

⁵ Na gan kam wembaņ laņa, aia nen ndambun naaņģira kipatnanna, anna kam kamainda wanaiņ. Na ma gargarapa ņeron Ratap, na ne ndorita lamnik puņga aina ritipaikta gagrar anikca watatna. Na aia nena rikca tikca nen ņgotacatna tipemb kirarira ne ndori puņga watatna.

⁶ Na ne Raraņ Aetaniacna kam aņģiri, nenmo makukar wit aniaca nenmo larurina, ri, ne aina tipemb kirarirapa Kacootnanna raņģairi, ņeron Ratta nenmo aoca ņgepca ne tonģorina.

⁷ Aintik nena tipemb kirarir laiņ, ne muruņa Karaisa ripacrina meikramtaira Masedoniaapa, Akaiana pitrik waņ ndeacrenanmo, ne minmo muruņa tipemb kirarir laiņga wandacrina. ⁸ Na Kacootna kamma ne an wiwitirenan, mana kamma rimbiņna mitmitna kamna kirara, mon, monna taņrena. Na ma Masedoniaapa, Akaia niņģikca mba taņri. Wanaiņ. An auņemb muruņa nena Raraņ Aetaniaca ripacrinanna kamna nininiara waracrinan, aintik aia minmo

1:4 Kol 3.12, na 2 Te 2.13 **1:5** 1 Ko 2.4-5, na 4.20, na Kol 2.2, na Ib 2.3 **1:6** Up 17.1-9, na 1 Ko 4.16, na 11.1, na Pil 3.17, na 2 Te 3.9 **1:7** 1 Pi 5.3 **1:8** Ro 1.8

mac ninini mbopna minna wanaiŋ. ⁹ Na mina ndori punŋa an larurina reikta nininiara, aia nenmo moatna reikta kamb topnandet. Na an minna aia nen ndambuŋ nakipatna minna, ne mirpembraraiŋ tikcarica nikinik iroar uriracri, na ne Raraŋ Aetaniacna aiŋirta ramtair tarurinan, na ne iarwar ndeteacna Raraŋ Aetaniac gidik niŋgikca raŋgairinan. ¹⁰ Na mana Nuoca ma tamuŋna auŋ tikcarica mac nda kipna moca ne anna ndabirena, an Nuoca ma menacri, na Raraŋ Aetaniac, ma manmo mac nda moa ŋgeprina. Na an Nuoca anna Iesus, ma ndo ai mac nda aŋginande, na an minna Raraŋ Aetaniacna nikkakatta laru te, aia laiŋ teacnandet.

2

Pol Tesalonika tikca morina aiŋna kamma ma anna ninirina

¹ Ne Iesusa ripacrena laiplacar, ne ndori lamŋirena, an aiŋira aia nena rik ndeacri, morina minna reikca mina wanaiŋa mba mai-itndait. ² Na ne lamŋirena, aia nen ndambuŋ nakip ŋgocor ndeacrina minna, aia Pilipai auŋ aniac ndeacri, aia giŋirar aŋgiratna, mina aina tikembmo ndibemb neaŋgatna. Na an minna aia nen ndambuŋ nakipatnanna, Raraŋ Aetaniaca aina iroar inkara moa gagrari, aia an punŋaŋgep nake mba irikca mbiracri. Wanaiŋ.

1:9 Up 14.15, na 1 Ko 12.2, na Gal 4.8, na 1 Te 2.1 **1:10** Up 17.31, na 1 Te 4.16, na 5.9, na Ta 2.13, na 2 Pi 3.12 **2:1** 1 Te 1.5, na 1.9 **2:2** Up 16.19-24, na 17.1-9, na Pil 1.30, na Kol 2.1

Aia witikca gagraca Raraŋ Aetaniacna kam wemban laŋa nenmo an wiwiritina. ³ Na aia nemo Iesus Karaisa ripacna ŋgacri, aia kam ianna mba katca mbopatke, na aia tip ŋgoreac ianna mba moatke, na paparu ianna mba mori. Wanaiŋ. ⁴ Na Raraŋ Aetaniac, ma aimo atuna towaia maica, karica ma aimo ndona kam wemban laŋmo wiwiritina aiŋ neaŋgatna, aintik aia meikramtairmo ndorita aiŋira wat nake, ainda mba lamŋia mbopatke. Wanaiŋ. Raraŋ Aetaniac, ma ndo aina nikemb inkara ritrirena, aintik aia toŋgorinanna man niŋgik, ma ndo aina aiŋira toŋgona. ⁵ Na ne lamŋirena, Raraŋ Aetaniac ma toco mbopi larunandet, aia nemo mba an kam mbuŋa waia mba aocri, na aia mba nena reik laiŋ nake mba toŋgoca, nemo an kam laŋ wiwiritatna, wanaiŋ. ⁶ Na aia mba aiŋa moca nen ndambuŋa i aniac aŋginan, co, kabena meikramtair tambuŋa i aniac aŋginake mba mori. ⁷ Gidik, aia Karaisna up aŋgirena ramtair. Aintik aia ndorita gargar mbuŋa toŋgo te, aia nenmo mbopca ne aimo otacna min. Na an min, aia nenap eacri, aia laŋan wetwet ŋgoinna moonnuoc teker toc ndeacrina. Aia gaimd ndeacrina, aemma ndona mombonikmo mir neaŋgabrina kirar ndecatna. ⁸ Na aia nemo toŋtoŋ ŋgoin, ainda moca aia nemo Raraŋ Aetaniacna kam wemban laŋmo neaŋrinan. Aintik aia ndorita eteacna watmo neaŋga, nen

2:4 Ier 11.20, na Gal 1.10, na 1 Ti 1.11 **2:5** Up 20.33, na Ro 1.9, na 1 Te 2.10, na 2 Pi 2.3 **2:6** In 5.41, na 5.44, na 1 Ko 9.1-6, na 2 Ko 11.9, na 2 Te 3.8-9 **2:7** 1 Ko 2.3, na 2 Ko 13.4, na 2 Ti 2.24

ngotacna moatna. Aintik ne aina aikor koind ndarurinan tik.

⁹ Na ne Iesusa ripacrena laiplacar, ne lamnjirena an minna aia nenap eacri, aia ainjir anikca mori, na kam wembanj laj wiwiritina. Na an ainjirmo aia moujapa, raap morina, te, aia nenmo makukara mba neanjitndait, na ne aimo amta reik neanjamnanna, wanaij.

¹⁰ Na ne malamnjireke, na Rarañ Aetaniac toco lamnjirena, an tipemb kirarira aia nenmo Iesusa ripacrina meikramtair kotacna morina tipna kirar. Na an tipemb kirarira aia morinanna, Rarañ Aetaniacna lamniacmo wandonj, na aia tipemb ngorikca mba morena. ¹¹ Na ne lamnjirena, Aetta ndona mombonik raupnjirena kirara, aia nenmo ainda raupnjirinan, ¹² na aia mboprina kambca anna nena iroara moi ngep te, nena iroar inkara moi gagrana moca. Na aia nemo wandonja aindopnande, nena moa tanjrena tipemb kirarira ne Rarañ Aetaniacna tipemb kirarir koinda morenan, na ma nena ngacrena, ne kipca mana bubuocna wawaraapa, mana memetacna tac aniacna kanjaukca eacna.

Iesusa ripacrena laiplacara mina ripacatke, mina pagraca witikca makukar mbukrina

¹³ Na memetmbaca aia Rarañ Aetaniacmo kam laj neanjreke, gan kam ndoprena. An minna ne Rarañ Aetaniacna kamma aina upa tikca waracri, na ne gaindta iro landamnja mba

2:9 Up 20.34, na 1 Ko 4.12, na 2 Ko 11.9, na 12.15 **2:11** Up 20.31 **2:12** Pil 1.27, na Kol 1.10, na 2 Ti 1.9, na 1 Pi 5.10 **2:13** Gal 1.11-12, na 4.14, na 1 Te 1.2-3, na 2 Te 2.13, na 2 Pi 3.2

anġiri, anna ramootna kam, wanaij. Anna ne gaimd naanġirina, anna Raraġ Aetaniacna kam. Ri, an meikramtaira Karaisa ripaca eacrenanna, nemo an kamma nena iroar inkara moa gagarina. ¹⁴ Na ne Iesusa ripacrena laiplacar, ne Raraġ Aetaniacna Iesusna ritipaikta meikramtairta tumbuna, mon Iudia eacrena meikramtairta kirar, an meikramtair mina Iesus Karaisap mikca eacrena. Na nen tikca ne ndorita kamkabearta parna gigirar anġirina, na Iudiana Iesusna ritipaikta meikramtairta tumbun toco, mina Iudanangepta parna gigirar anġirina. ¹⁵ Amda moca Iudanangepca ngepca Iesusmo pia menacrinan, na rambca morina ramtair motocmo riġga menacrinan, na aimo an ndeac narica ootta mandacatna. Na mina Raraġ Aetaniacna kammo ranġai narica mana kambmo nda ipuġrina, ri, mina meikramtairmo muruġcaminja minmo ndorita puġnangepca moatna. ¹⁶ Na mina tonġo nġocor, Raraġ Aetaniacmo meikramtair mac nda anġinan, amda moca mina aimo Iudana meikramtair wanaijmo an kam wiwiti mbop narica, na mina aina taupemb mboracatna. Aintik mina memetmbaca tipemb nġorikta makukarmo moa acnairenan. Na Raraġ Aetaniacna nikkakatta min nambatta irikrinan.

Pola Tesalonikanangepca mac watna tonġon aniac nġoin

2:14 Up 17.5, na Ib 10.33-34 **2:15** Up 2.23, na 3.15, na 7.52, na 9.23, na 9.29, na 13.45, na 13.50, na 14.2, na 14.5, na 14.19, na 17.5, na 17.13, na 18.12 **2:16** Mt 23.32-33, na 24.6, na Lk 11.52, na Up 13.50

17 Na ne Iesusa ripacrena laiplacar, Iudanangepca aimo moca aia nenmo kidrik tekemotemma tikcarica nenmo emtemma mac kipi wat ngocor. Na aia nena indepañainda wat ngocor, na aina iroara nenap maeacreke. Na aia nena watna tonjon bagaraniac ngoin. 18 Na aia nen ndambuñ nakipna moca, aintik aku Pol, aku nen ndambuñ nakipna towaireke, na toawanaiñ. Ramoot Mbikca aina taupembca mo wawararenan. 19 An minna aina Kacoot Iesusa nda kip te, aia mandaina lambiit? Na aia mandaia tonjoit? Na aia mandaina imo anji ngepit? Anna nen mbuñ ki? 20 Na anna gidik, nen mbuñ aia i aniaca anjica, na tonjoca wereirena.

3

Pola Timoti mandaca ma Tesalonikanangepca moi gagrana

1 Na aia nena moca kadmairina, na inmbaia aia gaind mac lamñirina, aia mac lambina minna wanaiñ. Ainda moca aia kam leaca aia gaindopatna, aukapa, Sailas anga Atens ndeacnande, 2 na anga Timotimo nen ndambuña mandaca ma kipnandet. Na Timoti, ma aina Iesusa ripacrena laiplacarta ian, na ma Rarañ Aetaniacna aiñna ramoot, na ma Karaisna kam wemban lañmo wiwitirena ramoot. Na anga manmo nen ndambuña mandaca kiprinanna, nena moi gagra te, nen ngotaca nena ritipaikca

2:17 1 Te 3.10 **2:19** Pil 2.15-16, na 4.1, na 2 Te 1.4 **2:20**
 2 Ko 1.14, na 1 Te 3.13, na KIEK 1.7 **3:1** Up 17.15 **3:2** Up
 16.1-3

moi gagrana, ³ moca an gigirarapa, mitkara ne anjica eacrenanna, nena ndeidta iroara moi tamtam ndamñi nari. Na ne ndori malamñireke, Rarañ Aetaniaca aimo ainta mitkar mbukna larapacrina. ⁴ Na an minna aia nenap eacri, aia nenmo gaindopatna, nenmo mitkara iroar, iroar tarunande. Na ne gaind ngoinna matau lamñi, mandeacna oitta, anna oit ngoreacna min. ⁵ Anna mininña moca aku mac lambina minna wanaiñ. Ainda moca aku Timotimo nen ndambuña mandaca kipatna, te, aku nena ritipaikta kamb mbaracnandet. Na aku gaind ndamñiatna, moca totowaina ramootta nena ritipaikca moi irikca nenmo wai aoc te, aina aiña wanaiñ ndacari nari.

Timotia kam lañap anjira kipatke, Pola tonjon ngoin

⁶ Na Timoti, ma nen tikcarica mandeban ngoinna ma ai ndambuñ malaruri. Na ma aimo nena kam lañ ngoinna wiwiritina. An nena ritipaik gagnarapa kabena meikramtaira matjirenanna, ma niniatna. Na ma aimo mbopatna, memetmbaca ne aina ndamñireke, ne ndorita iroar inkara aia neañrena. Na ne aina kadmaireke, ne ndorimo aia watna tonjorena. Na ai toco nena kadmaireke, ndorimo nena watna morena. ⁷ Na ne Iesusa ripacrena laiplacar, aia gainda waracrina, ne ripaca gagraca eacreke, anna ndo aina iroar inkara moa gagraca aia anna mitkara muruña

3:3 Epe 3.13, na 2 Ti 3.12 **3:4** Up 14.22, na 20.24 **3:5** Pil 2.16 **3:6** Up 18.5 **3:7** 2 Te 1.4

mbukrena. ⁸ Na aia gaind ndamñirina, ne Kacootap witikca gagraca eacreke, mandeaca aina eteacna wat ainanna lainj koind malaruri. ⁹ Na aia nena ndamñireke, aia aina Rarañ Aetaniacna lamniacmo aia toñton bagaraniac ngoinna morena. Na aia gaind nakeca malamñiat, aia toñgoca Rarañ Aetaniacmo kam lañ neañrena toñton anna, anna minna wanaiñ, na ma aia neañrena toñton mananna anmo kunda tamuj, na bagaraniac ngoin. ¹⁰ Na aia memetmbaca mouñapa ra, mambendeireke, Rarañ Aetaniaca aimo watcarica aia nena watna nakipnande. Na ñarikca nena ritipaikca matpi te, aia mac moi minna tiknandet.

Pol ma Rarañ Aetaniacmo mbendeirenan, ma aimo nen ndambuñ naañgica kipnande

¹¹ Na aia ripacrenan, aina Rarañ Aetaniacapa, Kacoot Iesus, maniña aimo añgiri, nenmo Tesalonikanañgep ndambuñ nakipnandet. ¹² Na aia toñgorinanna, Kacootta ma nenmo kabena meikramtaira toñgoca matñirena tipembta kirarirmo, nena iroar inkara moi minna tik, te, ne Iesusa ripacrena laiplacarmo neañ. Na kabena meikramtair motocmo ne minmo an mamatñina kirara mo, te, an tipna kirara aia nemo morinanna, ne an tipna kirar kabemo ne minmo ainda mo. ¹³ Na an tipna kirar mbuñ, Rarañ Aetaniaca ma nena iroar inkara moi gaganandet, na oit ianna Kacoot Iesusa

3:8 Pil 4.1 **3:10** Up 26.7, na Ro 1.10, na Kol 4.12, na 2 Ti 1.3
3:11 2 Te 2.16 **3:12** 1 Te 4.9-10, na 5.15, na 2 Pi 1.7 **3:13**
 Sek 14.5, na 1 Ko 1.8, na Pil 1.10, na 2 Te 1.7, na 1.10

Raraŋ Aetaniacna meikramtairap muruŋa mac nda kip te, ma nenmo wandoŋ rat ndeaceknanna watna. Te, ne wandoik lainj teacnandet, na ne aina Raraŋ Aetaniacna lamniacmo ne tipemb ŋgorik kocor. Na anna gidik.

**Ne Tesalonikananŋepca, ne
ndorita tipemb kirarir lainjmo
matau moi gagraca anŋiri
ndorita iroar inkara tik**

4

(4—5)

*Aia meacramootna kaŋtertaapna tipca tam-
tamma kai mo teac*

¹ Na ne Iesusa ripacrena laiplacar, Raraŋ Aetaniacna toŋtoŋa ranŋairena tipemb kirarir mananna, aia nemo wandaca mamairi, na ne an tipemb kirarira ranŋairena. Na mandeaca aia nena iroar inkar koindmo, matau moi gagraca, nenmo Kacoot Iesusna i mbuŋa an tipemb kirarirmo memetmbac ŋgoinna moranŋa moca.

² Na ne malamŋireke, an kamb gagarca aia muruŋa nena niniatnanna, aia Kacoot Iesusna ina gargar mbuŋa ninia mbopatna. ³ Na Raraŋ Aetaniacna toŋtoŋa gaind. Ne ndorita eteacna watta muruŋa mana neanŋa rat ndaruna. Aintik ne ndorimo ainta meacramootna kaŋtertaapna tipemb kirarir tarica ndorimo anŋiri iukairanŋ.

4:1 Pil 1.27, na Kol 1.10, na 2.6, na 1 Te 2.12, na 2 Te 3.6 **4:3**
1 Ko 6.15, na 6.18, na Epe 5.3, na 5.17, na 5.27, na Kol 3.5, na 1 Te
5.23, na Ib 10.10, na 1 Pi 1.16

4 Na ne ndorita tikembapa iroar inkar tin tarurena toŋtoŋna iroarmo matau raupŋi te, ne ngepca tipemb kirarir ratta ranġaica, Raraŋ Aetaniacna tipemb kirarir laiŋga moranġande. 5 Moca an tikembapa nikinik iroar nġorikta toŋtoŋgara nenmo wiŋga, ne tanġa an meacramootna kaŋtertaapna tipembca mo nari, an tipna kirara Raraŋ Aetaniac ndamŋi nġocorta Iudana meikramtair wanaiŋa moranġek toca, kai mo teac. 6 Na ne Iesusa ripacrena laiplacarmo tip nġoreaca kai mo teac, na minmo kai paruca mina meikapa mombourmo an tipemb kirarira mo nari. Nġaua aia nenmo kam gargara gaindopatna, Kacootta ainta tipemb kirarira morena meikramtairmo, ma minmo muruŋa mo nġocrainandet. 7 Na Raraŋ Aetaniac, ma aimo tipemb nġadudukar nġorikca ranġai nake mba acri. Wanaiŋ nġoin. Ma aimo aca, aia ndorita eteacna watta manmo neanġa, mana tip kirar ratta ranġaina. 8 Aintik ramootta an kam anna nda ipuŋ te, ma ramoot wanaiŋna kamma mba ipuŋri. Wanaiŋ. Ma Raraŋ Aetaniacna kamma nda ipuŋgapekna. Na an Raraŋ Aetaniac, ma ndona Neronġ Rat ndonan mbagirica kipca nenap eacrena Raraŋ Aetaniac.

Aia tipemb kirarir laiŋga matau moi gagra

4:4 Ro 6.19, na 1 Ko 6.13-15, na 6.18 **4:5** Nġap 79.6, na Gal 4.8, na Epe 2.12, na 4.17-18, na 2 Te 1.8 **4:6** TN 19.11-13, na Nġap 94.1, na 1 Ko 6.8, na 2 Te 1.8 **4:7** 1 Ko 1.2, na 2 Te 2.13-14, na Ib 12.14, na 1 Pi 1.14-16 **4:8** Esi 36.27, na 37.14, na Lk 10.16, na 1 Ko 2.10, na 2 Ko 1.22, na 1 Io 3.24

⁹ Na aku nenmo Raraŋ Aetaniacna Iesusa ripacrena laiplacara matau matŋina kam ianna mba mac mbopit, co, tiritndai, anna Raraŋ Aetaniaca an tipemb kirarira nenmo ŋgaua riptia mamaiat. ¹⁰ Na ne ndorita tipemb kirarirmo Iesusa ripacrena laiplacara Masedoniana pitrik aniacna inik ndeacrena auŋembta meikramtairmo, ne an wandacrena. Aintik ne Iesusa ripacrena laiplacar, aia nena iroar inkara moi paŋpaŋica, ne an tipemb kirarirmo memetmbaca moca taŋraŋnandet. ¹¹ Na ne laŋan wetwetta matau mbirac gagraca ndorita aiŋira mo. Na ne ndorita pair punŋa aiŋira moca ndori kotacna. An tipna kirara aia nenmo ŋgaua mboprina. ¹² Ne ainda mo te, ne reac ian nake mba matpiitndai, na ne raekmbai ndeacrena meikramtairmo, tipemb kirarir laiŋa moranŋnandet.

Kacoot ma mac nda kipca aimo aŋgi puninan-det

¹³ Na ne Iesusa ripacrena laiplacar, aia tonŋgorinanna, ne gainda matau lamŋi, titocna reacna ndo an menacrina meikramtairmo laruit. Na moca ne kadmai nari, gan meikramtair ndeidta kirarira mina Raraŋ Aetaniaca ripac ŋgocora wanaiŋa lambirenan. ¹⁴ Na aia gainda ripacrenan, Iesus ma menaca ma mac nda

4:9 In 13.34, na 15.12, na 1b 8.11, na 1 Io 2.20, na 2.27, na 3.11-13

4:10 2 Te 3.4 **4:11** Epe 4.28, na 2 Te 3.8, na 3.12, na 1 Pi 4.15

4:12 Ro 13.13, na 2 Ko 8.21, na Kol 4.5 **4:13** Epe 2.12 **4:14**

Ro 14.9, na 1 Ko 15.3-4, na 15.12-13, na 15.18, na 15.23

ngepatna. Aintik aia lamņirena, Iesusna gargar mbuņa Raraņ Aetaniac ma an ripaca menacrinanmo, ma mac nda mo ngepca mina Iesusap kipnande.

¹⁵ Na aia Kacootna kam aņģica nenmo gaindopnande, Kacootta nda kip te, aia menacņgocor ndeacrena meikramtair, aia an menacrina meikramtairmo aia minmo outta mba taņitndai. Wanaiņ. ¹⁶ Raraņ Aetaniaca ma kam gargar mbuņa mbopnande, te, out ndeacrena Raraņ Aetaniacna mbaiņna aiņa morena ņeroņa ma ac mbop te, Raraņ Aetaniacna taura mitmit aniaca kam rapacnande. Te, Kacootta tamuņna auņ tikcarica iriknande. Na Iesusna ripacatna meikramtaira menacrinanna, mina ndori, out mac nda ngepnande. ¹⁷ Na an min aia menacņgocor ndeacrena meikramtair, aia riac tamuņa an meikramtairap gaca Kacootmo ndauprikica, aia muruņa Kacootap memetmbac ndeacraņnande. ¹⁸ Na ne gan kammo kabena Iesusna ripacrena laiplacarmo mbop warac, te, mina ndorita iroar inkara moi gaganandet.

5

Aia ndorimo aņģiri nģobaca Kacootna mac nda kikipna oitna minna ndabina

¹ Na ne Iesusna ripacrena laiplacar, aia nenmo an reik laruna kidrikapa, rana kamma mba tirca mbopitndai. ² Anna ne ndori

4:15 1 Ko 15.51-52 **4:16** Mt 24.30-31, na Up 1.11, na 1 Ko 15.23, na 15.52, na 1 Te 1.10, na 2 Te 1.7 **4:17** In 12.26, na Up 1.9, na KIEK 11.12 **5:1** Mt 24.36 **5:2** Mt 24.42-44, na Lk 12.39, na 2 Pi 3.10, na KIEK 3.3

koinda ne lamñia mairina, Kacootna mac nda kipna ra, ma tawi ngoinna macmakimna ramootta mouñ nakipekna kirar toc nakip larunande. ³ Na meikramtaira gaindopnandet, “Mandeacna oitna minna lañ ngoin. Aia lañ ndeacnande.” Na mina mo ngocraina reik toco anduna tiki larunande, an kirara meaca moonnuoca mirna anjiekna giringirna kirar toc. Na mina an reik narica kipcarica ingorocna taupemb kocor. ⁴ Aintik min laiplacar, ne neaupna inikca mba eacreke, na ñarikca an ra laruca ne ngep ngoreac nanjepca wat nari, na macmakimna ramootta mouñ nakipca u mana watca ngep ngoreac nanjeppek toca wat nari. Wanaiñ. ⁵ Na ne meikramtair muruçamiña raapa tacna wiwirna memetacnan. Na aia mba mouñapa neaup diriña iniknanna wanaiñ. ⁶ Aintik aia kabena, meikramtair ndeida ngorena kirara kai ngo teac, anna lañ aina lamnikca watti eacrañ te, na aina iroar inkara matau piarke. ⁷ Na aia lamñirena, ngorena meikramtaira, mina mouñ nanjorena. Na puk amba ñañoarenanna, mina mouña puk ammi ñañoorañnande. ⁸ Na aia rana memetacna inik ndeacrena wiwit, aina iroara mataua lamñi rapacrena. Na aia Rarañ Aetaniaca ripacrena tipna kirarmo, matau utiñ gagrarenan, na kabena meikramtairmo mamatñina tipemb kirarirmo,

5:3 Esi 13.10, na Osi 13.13, na Mt 24.39, na Lk 21.34-35, na In 16.21-22 **5:4** Ro 13.12-13, na 1 Io 2.8 **5:5** Ro 13.12, na Epe 5.8-9 **5:6** Mt 24.42, na 25.5, na 25.13, na 1 Pi 5.8 **5:7** Lk 21.34-36, na Ro 13.13, na Epe 5.14 **5:8** Ais 59.17, na Epe 6.13-17

matau utiŋ gagrarenan, na an tipemb kirarirmo tik ŋgapaoca rugut paŋanna wawarana reac toca aoca leacrenan. Na Raraŋ Aetaniac, an tipemb kirarir laiŋ puŋga ma aimo aŋŋinandet, na an kirarirmo, aia paŋanna wawarana reac toca paŋainda atuocnandet, na aia matau witik gagraca Iesusna lambina, ma aimo mac nda aŋŋinandet. ⁹ Na Raraŋ Aetaniac ma aimo ndona an nikkakatna girgirma makuk aŋŋinake, mba larapacri. Wanaiŋ. Ma aimo larapacrinanna, aina Kacoot Iesus Karaisa ma aimo mac nda aŋŋinande. ¹⁰ Na Iesus ma ai ŋgotacna moca menacatna, aintik aia menacri, co, aia menac ŋgocor ndeacrenan, aia manap eteacna watap eacnandet. ¹¹ Aintik nena mandeaca morena tipembta kirarira, nena kabe, kabea Raraŋ Aetaniacna meikramtairmo, an kam laŋ wiwiti mbopca mina ndorita iroar inkara moi gagrana.

Raraŋ Aetaniac ma ripacrina meikramtairmo otaca mina tipemb kirarir laiŋ aŋŋinande

¹² Na ne Iesusna ripacrena laiplacar, aia nenmo gaindopnandet, ne ndori kotacrena ramtairmo toriraŋ. Na Kacootta ma minmo nena Iesusna ritipaikta meikramtairta tumbunna ŋginaiŋta ramtair paŋainda tikrina, mina nenmo tipemb kirarir laiŋga mo te, nenmo mbibirac laŋ ndeacna kamma mina nenmo an wiwitinande. ¹³ Na ne mataua lamŋjirenan, an aiŋjira mina nena morenanmo, ne minmo toriraŋ te, minmo

5:9 Ro 9.22, na 1 Te 1.10, na 2 Te 2.13-14, na 1 Pi 2.8 **5:10** Ro 14.8-9, na 2 Ko 5.15, na 1 Te 4.14 **5:11** Iu 1.20 **5:12** 1 Ko 16.18, na Pil 2.29, na 1 Ti 5.17, na Ib 13.7, na 13.17

matau matjiraŋ. Na ne muruŋcamaŋa nikinik iro kabea aŋgica eacraŋnandet.

¹⁴ Na ne Iesusa ripacrena laiplacar, aia nena iroar inkara moi ŋgepca, ne an aiŋira boboroca morena meikramtairta tipemb kirarirmo moi wandoŋai, na an rugdar morenanmo, moi gagra te, an gagrar kocortanmo otac. Na ne an meikramtairmo laŋanna tiki mo.

¹⁵ Na mandaia nemo tipemb kirarir ŋgorikca mo te, ne mina tipemb ŋgorikca kai mac nda ruti teac, ne minmo otaca tipemb kirarir laiŋga mona taupembta kore. Na memetmbaca ne Raraŋ Aetaniacna meikramtairapa, kabena meikramtairap minmo an tipemb kirarir kabea moranŋ.

¹⁶ Na ne memetmbaca tonŋon niŋgik ndeacraŋ. ¹⁷ Na ne mbendeina kai ŋate teac. ¹⁸ Mindacniŋ titocna reikca nenmo larueknanmo, ne Raraŋ Aetaniacmo kam laŋ neanŋ.

Na Raraŋ Aetaniac ma tonŋorinanna, meikramtaira Karais Iesusa mikrinanda, mina muruŋa aintocna tipemb kirarira moranŋ.

¹⁹ Na Neronŋ Ratta nenmo reac ianna mo ndop te, ne manmo kai kirac teac. ²⁰ Na meikramtaira nemo rambca moca mbopatna ramtairta kambca nenmo mbop te, ne minmo kai ŋate teac. ²¹ Na ne ndori puŋga an kambca ritri, na mana laiŋ

5:14 Gal 5.22, na 6.1-2, na Kol 3.12, na 2 Te 3.6, na 3.11, na 3.15, na Ib 12.12 **5:15** ML 20.22, na Mt 5.39, na Ro 12.17, na 1 Ko 6.7, na 1 Pi 3.9 **5:16** 2 Ko 6.10, na Pil 4.4 **5:17** Lk 18.1, na Epe 6.18, na Kol 4.2, na 1 Pi 4.7 **5:18** Epe 5.20, na Kol 3.17
5:19 Epe 4.30, na 1 Ti 4.14, na 2 Ti 1.6 **5:20** 1 Ko 14.1, na 14.39 **5:21** 1 Ko 2.11, na 2.15, na Pil 4.8, na 1 Io 4.1

tingik anji, ²² te, ne tipemb ngorikmo tikcarica, iukai.

²³ Na Raraŋ Aetaniac, ma nikinik iro wetwet laŋ ndeteacna miniŋ, na ne manmo ndorita iroar inkara muruŋa mana neaŋ te, ma nenmo moi ratar koind tarunande. Na ma nena nerngaurapa, nena nikinik iroar muruŋapa, nena tikemb muruŋcamiŋmo, ma matau bubuocnande, te, ne laiŋ koind tarunandet, na an ra, aina Kacoot Iesus Karaisa nda kip te, ne tipemb ngorik kocor. ²⁴ Na Raraŋ Aetaniac, ma ndona mboprena kambca raŋgairena, ainda moca ma nena ngacrena, na an reikca ma nena mo ndoprinanna, ma nenmo ainda monande.

²⁵ Na ne Iesusa ripacrena laiplacar, ne Raraŋ Aetaniacmo mbendeia digi te, ma aimo otacnandet.

²⁶ Na nena Iesusa ripacrena laiplacarta tip kirar ianna gaind, ne kabe, kabea kabena meikramtairmo pipopotacrenan.

²⁷ Na aku nenmo Kacootna i mbuŋa kam gargar mbuŋa gaind mambopek, ne gan timbiŋ raparna kambmo Iesusa ripacrena laiplacarmo muruŋcamiŋa mbopi warac.

²⁸ Na aina Kacoot Iesus Karaisna kakadmaica nenap eacnande.

5:22 Iop 1.1, na 1.8, na 2.3 **5:23** Ro 15.33, na 1 Ko 1.8, na Pil 4.9, na 1 Te 3.13, na 2 Te 3.16 **5:24** 1 Ko 1.9, na 10.13, na 2 Te 3.3 **5:25** Kol 4.3, na 2 Te 3.1 **5:26** Ro 16.16

**Raraŋ Aetaniacna Kam Wembaŋ Lan
New Testament in Mborena Kam language
Nupela Testamen long tokples Mborena Kam long
Niugini**

copyright © 2016 Pioneer Bible Translators

Language: Borei

Translation by: Pioneer Bible Translators

© Pioneer Bible Translators Association of Papua New Guinea, Inc.; © Pioneer Bible Translators of Dallas, Texas, USA

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

PDF generated using Haiola and XeLaTeX on 21 Feb 2024 from source files dated 29 Jan 2022

8e1073ed-d2dc-5f3a-bb48-5406185123a7